


天臺教觀畧說（二十六）——別教之八（詮六即）

○《綱宗》云：分證即佛者，十地聖種性，及等覺性也。初歡喜地，名見道位；以中道觀，見第一義諦，開佛眼，成一切種智；行五百由旬，初入實報無障礙土，初到寶所。證念不退，得無功用道；隨可化機緣，百界作佛，八相成道，利益眾生。二離垢地，乃至十法雲地，各斷一品無明，證一分中道。



○《綱宗》云：更破一品無明，入等覺位；亦名金剛心，亦名一生補處，亦名有上士。

○《綱宗》云：究竟即佛者，妙覺性也。從金剛後心，更破一品無明，入妙覺位。坐蓮華藏世界七寶菩提樹下，大寶華王座，現圓滿報身，為鈍根菩薩。轉無量四諦法輪。